

Ժողովուրդ

103
(2953)

26 հուլիսի ուրբաթ 2024
տպագրության ԺԳ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՔԱՂԱՔԱՑԻՆ, ՓԱՍՏՈՐԵՆ, «ՏՈՒԳԱՆՔԻ ՄԱՏԵՐԻԱԼ» Է



ՀՀ ՆԳՆ ոստիկանության պարեկային ծառայությունը միայն 2024 թվականի հունվարի 1-ից 25-ն ընկած ժամանակահատվածում երթեւեկության խախտումների փաստերով շուրջ 515.430 արձանագրություն է կազմել:

«Ժողովուրդ» օրաթերթին այս մասին հայտնում են պարեկային ծառայության կազմակերպման վարչությունից:

Այսպիսով՝ կազմված արձանագրություններից առյուծի բաժինը՝ 89.921-ը, առանց ամրագոտին ամրակցված վարելու հիմքով է կազմվել, 44.320 արձանագրություն արագությունը գերազանցելու հիմքով է կազմվել, 10.408-ը՝ ոչ սթափ վարելու, 14.869-ը՝ վարելիս հեռախոսով խոսելու հիմքով:

Պարեկային ծառայությունը նույն ժամանակահատվածում 13.066 արձանագրություն է կազմել վարելիս ծխախոտ օգտագործելու հիմքով, իսկ 15.352-ը՝ մզացված ապակիներով վարելու փաստերով:

Մեքենաների արտաքին լուսային սարքերի չափաատելու հիմքով 22.328 արձանագրություն է կազմվել, եւս 11.275 արձանագրություն կազմվել է մեքենան երկրորդ շարքում կայանելու, իսկ 1054՝ մայրին կայանելու հիմքերով:

Պարեկային ծառայությունը նույն ժամանակահատվածում 17.595 արձանագրություն կազմել է հետիոտների համար չնախատեսված հատվածով անցնելու հիմքով, եւս 274.846 արձանագրություն՝ այլ խախտումների հիմքով:

«Ժողովուրդ» օրաթերթը բազմիցս է հրապարակել, որ պարեկները նախկին ճանապարհային տեսուչների նման դարանակալում են, սպասում վարորդ «զոհին», բռնում ու տուգանում: Կարճ ասած՝ քաղաքացին «տուգանքի մատերիալ» է, իսկ ՔՊ-ականները, պաշտոնյաները՝ անձեռնմխելի: Նրանցից շատերի մեքենաները, օրինակ՝ Անդրանիկ Քոչարյանի եւ այլ պատգամավորների, ունեն օպերատիվ համարներ, որոնք պարեկները չեն կանգնեցնում:

«Ժողովուրդ» օրաթերթի տեղեկություններով՝ Նիկոլ Փաշինյանն առաջիկա օրերին պատրաստվում է կրկին գնալ սահմանամերձ Տավուշի մարզ: Նկատենք, որ Նիկոլ Փաշինյանը գրեթե ամեն շաբաթ-կիրակի որեւէ մարզ այցելելը «ավանդույթ» է դարձրել ամառային շրջանում: Տավուշի մարզ նրա վերջին այցը հուլիսի 6-ին էր, որի ընթացքում վարչապետը գնացել էր սահմանագատման արդյունքում կիսված Կիրանց գյուղ: Մեր տեղեկություններով՝ առաջիկա օրերին Նիկոլ Փաշինյանը նախատեսում է կրկին գնալ Տավուշ՝ տեղի բնակիչների հետ հանդիպելու: Վարչապետի օրակարգում է նաեւ այցելությունն Արմավիրի մարզ. թե ինչ պլաններ կան Թուրքիայի հետ սահմանակից Արմավիրի մարզի մասով, դեռեւս չի հաղորդվում:



Նիկոլ Փաշինյանը հիմա անում է այն քայլերը, որոնք ընդդիմադիր եղած ժամանակ քննադատում էր եւ ամենամերժելիս համարում: Պաշտոնական փաստաթղթերից «Ժողովուրդ» օրաթերթը տեղեկացավ, որ 2014 թվականից «Հայկական ժամանակ»-ը պատկանում է Փաշինյանի քաղաքացիական գոքանշին: Եթե, օրինակ, Սուրեն Խաչատրյանի գիտությունների դոկտոր լինելը Նիկոլ Փաշինյանը համարում էր զավեշտալի, կամ Գագիկ Խաչատրյանին քննադատում էր, թե բոլոր բարեկամների անուններով բիզնեսներ է գրանցել, ապա պարզվում է, որ ինքն էլ «Դարեսկիզբ» ՍՊԸ-ն՝ «Հայկական ժամանակ» թերթը, փաստացի գրանցել է Աննա Հակոբյանի թոշակառու, ապաքաղաքական եւ ընդհանրապես բիզնեսից եւ քաղաքականությունից հեռու մայրիկի անունով: Հեղափոխությունից հետո իրավապահ մարմինները «իրական շահառուների», «կեղծ» իրական շահառուների՝ գծով բազում վարույթներ ունեն, սակայն միայն ընդդիմադիրների նկատմամբ: Փաշինյանն ու նրա ընտանիքի անդամների իրական եկամուտներն ու հետաքրքրությունները «վրիպում» են իրավապահների աչքերից:



Կրթական բում խոստացող նախարարությունը չի ընկալում պահի լրջությունը եւ արհեստական Ակադեմիական քաղաքի ծրագիրն է առաջ տանում, որը կլինի քաղաք՝ առանց ուսանողների: «Ժողովուրդ» օրաթերթը Գևորգյանի եւ թեստավորման կենտրոնի տրամադրած տվյալներից պարզեց, որ հանրապետության տարբեր բուհեր այս տարի դիմել են 14 հազար 332 դիմորդներ: Մինչդեռ, ուսումնական հաստատություններում հատկացված տեղերի քանակը եղել է 16 հազար 38, որից անվճար է եղել 2 հազար 117-ը, վճարովի՝ 13 հազար 921-ը: Այսինքն՝ մեծ թվով թափուր տեղեր են մնացել համալսարաններում՝ ավելի քան 6 հազար 300 վճարովի եւ 271 պետական պատվերով: Եթե կոպիտ հաշվարկ իրականացնենք, ապա կտեսնենք, որ թափուր է մնացել հաստատված վճարովի տեղերի գրեթե կեսը: Այս ցուցանիշը մտահոգիչ պետք է լինի, հատկապես այն դեպքում, երբ նախարարությունը մտադիր է ստեղծել 80 հազար ուսանող ունեցող Ակադեմիական քաղաք: 2020-2022 թվականներին 21 հազար անվճար տեղերից թափուր էր մնում 12-13 հազար տեղ: Կարճ ասած՝ կրթությունը դանդաղ, բայց անկում է ապրում:



ԶՐՈՒՅՑ

ԿԱՄՈՒՐՉԻՆ ԱՆՕՐԵՆ ԶԵՎՈՎ «ՆՎԻՐԵԼ» ԵՆ ԹՇՆԱՄՈՒՆ

«Ժողովուրդ» օրաթերթը գրուցել է «Հայաստան» խմբակցության դասգամավոր Արթուր Խաչատրյանի հետ:

-Պարոն Խաչատրյան, հուլիսի 24-ին Դուք եւ Ձեր գործընկեր Գեղամ Մանուկյանը գնացել էիք Կիրանց գյուղ, սակայն, ինչպես Գեղամ Մանուկյանն էր իր ֆեյսբուքյան էջով հայտնել, ձեզ թույլ չէին տվել մուտք գործել գյուղ: Իսկոյում ենք՝ մի փոքր մանրամասնեք, թե ով է արգելել մուտքը եւ ինչ պատճառաբանությամբ:

-Ոչ թե արգելել են մուտք գործել, այլ, երբ արդեն գյուղում էինք, սահմանապահ ծառայության մի սպա մտնեցավ, եւ ասաց, որ մենք գտնվում ենք սահմանային գոտում, որտեղ գտնվել, առանց թույլտվության, իրավունք չունենք: Հավանաբար դա Նրանց հրահանգել էին, որովհետեւ երբ գնացինք Կիրանցի եկեղեցի, ինչպես եւ միջոտ ենք անում գյուղ գնալիս, Նրանց ասացին, որ հեռացնեն մեզ:

Մենք եղանք գյուղի դպրոցի մոտ, որտեղից սահմանը 20-25 մետր հեռավորության վրա է ընդամենը: Տևկված ծառեր չկային, ինչպես ասում էր Նիկոլ Փաշինյանը, մի հատվածը բետոնապատ էր, իսկ մյուս հատվածը՝ մետաղապատ: Ես չեմ պատկերացնում՝ այդ «Ժեշտը» ինչպես պետք է թշնամուն հետ պահի մեր երկրի վրա հարձակվելուց, ընդհանրապես անտրամաբանական է, թե պատով հնարավոր է կանխել թշնամու հարձակումը:

-Պարոն Խաչատրյան, իսկ հասցրել էք այդ կարճ ժամանակահատվածում տեղացիների հետ շփվել, հասկանալ ինչ մթնոլորտ է իրենց ներսում, ինչ անհանգստություններ ունեն:

-Բնակիչները տխուր էին, եւ դա բնական է, ինչպես կարող էին անհանգիստ չլինել, երբ գիտեն, որ մի քանի մետր հեռավորության վրա թշնամին է: Տեսանք այն հատվածը նաեւ, որը հանձնվել է թուրքին՝ առանց որեւէ իրավական հիմնավորման:

-Ո՞ր հատվածի մասին է խոսքը:



-Կիրանց գյուղ մուտք գործելիս ճանապարհը կամրջով է անցնում, այդ կամրջը Ադրբեջանին է հանձնված: Այստեղից մի փոքր վերեւ արդեն ադրբեջանցի սահմանապահներն են գտնվում, եւ հանդիպակց են հայ ու ադրբեջանական դիրքերը:

Իշխանությունը, առանց սահմանագծման ու սահմանազատման, թշնամուն է հանձնել պատմական կամուրջը: Արդարացնելու համար իրենց կապիտուլյացիոն քայլը՝ իշխանությունները հայտարարել են, թե կամուրջը, ճիշտ է, չի տրվել սահմանազատման արդյունքում, սակայն տրվել է սահմանի վերարտադրության արդյունքում: Նման եզրույթ կիրառելն արդեն իսկ անտրամաբանական է, քանզի ոչ գիտությանը, ոչ մարդկությանն ու բնությանը այն հայտնի չէ:

Ասում էին նաեւ, թե կադաստրային քարտեզները սխալ են եղել, մենք այժմ փորձում ենք հասկանալ այդ խնդիրը, թե երբ է եղել այդ «սխալը», եւ երբ է բացահայտվել:

Արդարադատության նախարարությունը լրատվամիջոցներին պատասխանել էր, թե կադաստրային քարտեզներում սխալ է առկա, այնինչ մեր օրենսդրությունը հստակ մեխանիզմ է նախատեսում, թե կադաստրային քարտեզների սխալն ինչպես է շտկվում, արդյո՞ք այդ գործընթացով են առաջնորդվել թե՛ ոչ, պատասխան չկար:

Պարզ է, որ Ադրբեջանը մատը դրել է քարտեզին ու ասել՝ սա պետք է ինձ տաս, իշխանությունն էլ մոզոն է դա անելու ձեւեր ու որոշել է անունը դնել «սահմանի վերարտադրություն»:

Զրուցեց ՔՐԻՍՏԻՆԱ ՍՈՒՇԵՂՅԱՆԸ

ԳԵՄԿՈՎԻ ԱՆԴՐԱԳԱՐՁԸ

ՊԵՏԿՈՎԻ ԱՆԴՐԱԳԱՐՁԸ



Ռուսաստանը Հայաստանին համարում է եղբայրական երկիր եւ հույս ունի, որ չեն ընտրի այն ճանապարհը, որը ժամանակին ընտրել էր Կիեւի ռեժիմը: Այս մասին հայտարարել է ՌԴ նախագահի մամուլի քարտուղար Դմիտրի Պետկովը:

«Հայաստանն ինքնիշխան երկիր է, ինքն է ընտրում փոխգործակցության առաջնահերթ ուղիները: ՀՀ-ն մեր դաշնակիցն է, եղբայրական երկիր: Պարզապես չէինք ցանկանա, որ փնտրտուքներն իրականացվեն այն ռեժիմով, որը ժամանակին ընտրել էր Կիեւի ռեժիմը», - ասել է նա՝ պատասխանելով լրագրողների հարցերին:

ՄՈՒՏՔԸ ՍԱՀՄԱՆԱՓԱԿՎԱԾ Է

Կիրանց գյուղ մուտքը խիստ սահմանափակված է, անգամ ԱԺ պատգամավորների համար:

Այս մասին գրել է ԱԺ «Հայաստան» խմբակցության անդամ Գեղամ Մանուկյանը:

«Փաստորեն, Տավուշի Կիրանց գյուղ մուտքը խիստ սահմանափակված է, անգամ ԱԺ պատգամավորների համար: Սահմանապահ փոխգնդապետը պարզաբանում է՝ կա սահմանային գոտի եւ շերտ:

Ինչի մասին, ի դեպ, օրերս ինքս էի հարցրել ԱԾ փոխստորենին ու գրավոր հարցում եմ ուղարկել:

ԹՈՒՐԿԻԱՅՈՒՄ ԸՆՆԱՐԿՎԵԼ Է ՀԱՅ-ԱՌՐԵՋԱՆԱԿԱՆ ՀԱՐՑԸ

Թուրքիայի Ազգային անվտանգության խորհրդի այսօրվա նիստում (խմբ.) քննարկվելու են հայ-ադրբեջանական հարաբերությունները, խաղաղության պայմանագիրը: Այս մասին հայտնում է dailysabah.com-ը՝ մանրամասնելով, որ քննարկվելու է Հարավային Կովկասում ստեղծված իրավիճակը:

Նշվում է, որ սա լինելու է վերջին երկու ամսվա ընթացքում Թուրքիայի Ազգային անվտանգության խորհրդի առաջին նիստը, այն կայանալու է Անկարայում: Դրան ներկա են լինելու նախագահ Ռեջեփ Թայիփ Էրդողանը, նրա օգնականները, նախարարները եւ Թուրքիայի գինված ուժերի հրամանատարները:

Քննարկվելու են նաեւ Սիրիայի հետ հարաբերությունների կարգավորումը, Մերձավոր Արեւելքում տիրող ճգնաժամը ու ռուս-ուկրաինական հակամարտությունը:

ՏԵՍԱԿԵՏ

ԻՆՉ ՆՊԱՏԱԿՆԵՐ ՈՒՆԻ ԱՌԻՖԵՋԱՆԸ

Ինչո՞ւ է Ալիեւը դահանջում, որդեգրի լուծարվի ԵԱՀԿ Մինսկի խումբը, փոխվի ՀՀ սահմանադրությունը եւ Հայաստան վերադառնան սովետական ադրբեջանցիները: Այս մասին իր էջում գրել է ՀՀԿ անդամ Արսակ Զաֆրյանը:

Նա, մասնավորապես, նշել է. «ԵԱՀԿ ՄԻ շարունակում է մնալ միակ պաշտոնական ձեւաչափը, որն իրավասություն ունի ցանկանա՞ծ պահի անդրադառնալու Արցախյան հիմնահարցին: Այսօր այն սառեցվել է ՌԴ, ԱՄՆ եւ Ֆրանսիայի ունեցած խոր հակադրությունների արդյունքում: Սակայն չի բացառվում, որ օրինակ, Թրամփի վերընտրությամբ, այն վերագործարկվի եւ կրկին ստանձնի իր դերակատարումը: Բացի Ադրբեջանից՝ ո՞չ միջազգային հանրությունը, ո՞չ էլ կողմերից մեկը չի հայտարարել արցախյան հիմնահարցի լուծված լինելու մասին: ԵԱՀԿ ՄԻ կարող է առնվազն պահանջել եւ ապահովել միջազգային այնպիսի անվտանգային երաշխիքներ եւ այնպիսի իրավաքաղաքական պայմաններ, որի պարագայում հնարավոր լինի ապահովել արցախցիների վերադարձն իրենց հայրենի բնակավայրերը:

Մինսկի խումբը չի կարող լուծարվել առանց պաշտոնական Երեւանի համա-

ձայնության, հետեւաբար՝ Ալիեւի հնչեցրած հերթական պահանջը, Հայաստանի թուլացած ու անկարող վիճակից առավելագույնը քամելու եւ արցախյան հարցը միջազգային մակարդակում վերջնականապես փակելու նպատակ ունի:

Ալիեւը հասկանում է, որ որոշ ժամանակ հետո, հայ ժողովուրդը չի հաշտվելու Բաքվի եւ Նիկոլի համատեղ ծրագրված ռազմաքաղաքական ավանտյուրայի անարդար հետեւանքների հետ: Ուստի պահանջում է նաեւ Հայաստանի սահմանադրության որոշ դրույթների փոփոխություն, որը կգրկի ՀՀ հաջորդ իշխանություններին եւ հայ ժողովրդին՝ արցախյան հիմնախնդրին անդրադառնալու, Հայոց Տեղասպանության միջազգային ճանաչման ու Հայաստանի անվտանգությունն ամրապնդելու իրավաքաղաքական հիմքերից:

Սովետական ադրբեջանցիների՝ Հայաստան վերադառնալու պահանջով՝ Ալիեւը փորձում է նախապես կանխել կամ, առնվազն, հակակշռել արցախցիների՝ Արցախ վերադառնալու հնարավոր միջազգային պահանջները:

Գլուխը կոմունիկացիաների բացվելուց հետո՝ տարիներ անց Հայաստանը կարող է լավ դիրքեր ստանալ տարածաշրջանում եւ կրկին գործոն դառնալ: Այն չեզոքացնելու ճանապարհներից մեկն էլ արդ-

բեջանցիներին կրկին Հայաստան վերադարձնելն է: Նրանց միջոցով թուրք-ադրբեջանական տանդեմը կարող է իրականացնել հստակ մշակված դեմոգրաֆիական քաղաքականություն, տնտեսական ազդեցության լծակների ձեռքբերում, որն էլ ժամանակի ընթացքում կարող է հանգեցնել ՀՀ ներքաղաքական կյանքի վրա զգալի ազդեցության:

Ի տարբերություն մեզ՝ թուրքական քաղաքականությունը հեռատես է եւ երբեք չի դադարում պայքարը հայկական գործոնը Հարավային Կովկասից վերացնելու ուղղությամբ: Այդ քաղաքականությունն ակնառու էր Լույսիսկ սովետական տարիներին հայաթափվող Նախիջեւանում, Լեռնային Ղարաբաղում եւ սովետական Ադրբեջանի այլ հայաշատ շրջաններում:

Ալիեւն ամեն կերպ պայքարում է Լեւոն Տեր Պետրոսյանի, Ռոբերտ Քոչարյանի եւ Սերժ Սարգսյանի ղեկավարած ինքնիշխան եւ զարգացող Հայաստանի Հանրապետության դեմ: Նա ցանկանում է Նիկոլ Փաշինյանի միջոցով եւ Նրան օգտագործելով՝ մինչեւ վերջին շապիկը հանել Հայաստանի վրայից եւ մեր ժողովրդին դարձնել թուրքական գործոնից կախյալ շարքային սպառողական հասարակություն՝ զուրկ սեփական ինքնությունից ու ազգային նկարագրից»:

ԻՐԱՎԻՃԱԿ



ԷՄԿԱԼԱՑԻԱՅԻ ՉՂԱՆՔԵՑՆՈՂ ՈՐՈՇՈՒՄՆԵՐ

Ուկրաինայի հարցում Գերմանիան ընդունում է որոշումներ, որոնք չեն նպաստում Ռուսաստանի և ՆԱՏՕ-ի հարաբերությունների սրմանը: Այս մասին հայտարարել է Գերմանիայի կանցլեր Օլաֆ Շոլցը ամառային ավանդական ասուլիսի ժամանակ, որը հեռարձակվում է Phoenix հեռուստաալիքով: «Մեր բոլոր որոշումները կշռադատված են ընդունված են այնպես, որ Ռուսաստանի Դաշնության և Ուկրաինայի միջև հակամարտությունը չվերաճի Ռուսաստանի և ՆԱՏՕ-ի միջև պատերազմի»,- ասել է նա: Գերմանիայի կանցլերը նաև ընդգծել է, որ Բեռլինը կշարունակի աջակցել Ուկրաինային, սակայն նշել է, որ չի բացառում Ռուսաստանի մասնակցությունն Ուկրաինայի հարցով հաջորդ համաժողովին: Զուգահեռ 24-ին Շոլցը ասել է, որ Գերմանիայի իշխանությունները Բուդապեշտի գլխավորականներին չեն ուղարկի Ուկրաինա: ԻՎԱՆԻՇՎԻԻ ԱՌԱՋԱԳՐՄԱՆ ՄԱՍԻՆ «Եթե իշխող «Վրացական երազանք» ժողովրդավարան Վրաստան» կուսակցության հիմնադիր եւ պատվավոր նախագահ Բիծինա Իվանիշվիլին առաջադրվի երկրի նախագահի պաշտոնում, նա կդառնա Վրաստանի պատմության լավագույն նախագահը», - այս մասին լրագրողների հետ զրույցում ասել է Վրաստանի արդարադատության նախարար Ռատի Բրեգաձեն: ԶԼՄ-ների ներկայացուցիչները նախարարին հարցրել են նախագահի պաշտոնում Իվանիշվիլիի հնարավոր առաջադրման մասին: «Եթե պարոն Իվանիշվիլին որոշի առաջադրվել նախագահի պաշտոնում, ես վստահ եմ, որ նա կդառնա Վրաստանի պատմության լավագույն նախագահը, թե՛ չգիտեմ, թե ով կլինի նախագահի թեկնածուն»,- ասել է նախարարը եւ ընդգծել, որ իշխող կուսակցությունը պատրաստվում է «սպավորիչ հաղթանակի»: Խոսելով ընդդիմության մասին՝ Բրեգաձեն նշել է, «Ինչ շատեր կունենան ընդդիմությունը, իհարկե, կախված է ընտրողներից, բայց, նրանց գործողություններից ելնելով, կարծում եմ, որ նրանց հնարավորությունը նվազագույնի է հասնում: Նրանց առավելագույնը ընտրական շեմը հաղթահարելն է: Շուտանոթ ամամբ, կարծում եմ, որ նրանց համար շատ դժվար կլինի»: Վրաստանում նախագահական ընտրությունները տեղի կունենան խորհրդարանական ընտրություններից հետո: Նախագահին ընտրելու է ընտրական խորհուրդը, որի կազմում կլինեն խորհրդարանի անդամներ եւ տեղական ինքնակառավարման մարմինների ներկայացուցիչներ:

ՑՈՒՑԱՆԻՇՆ ԱՎԵԼԱՑԵԼ Է ԴԱՏԱԿԱՆ ԳՈՐԾԵՐ՝ ԸՆԴՈՒՄ ԼՐԱՏՎԱՄԻՋՈՑՆԵՐԻ

Խոսքի ազատության դաշնամուսնային կոմիտեն ներկայացնում է 2024թ. երկրորդ եռամսյակային զեկույցը՝ Հայաստանում խոսքի ազատության վիճակի եւ լրագրողների ու ՉԼՄ-ների իրավունքների խախտումների վերաբերյալ:



2024թ? երկրորդ եռամսյակը հետհեղափոխական Հայաստանում աննախադեպ էր լրատվամիջոցների աշխատակիցների հանդեպ կիրառված ֆիզիկական բռնությունների առումով: Դա պայմանավորված էր Հայաստանի եւ Ադրբեջանի միջև սահմանազատման գործընթացի հետ կապված հասարակական-քաղաքական մթնոլորտի լարվածությամբ, զանգվածային բողոքի ակցիաներով, ոստիկանության եւ ցուցարարների միջև բազմաթիվ բախումներով, որոնց ընթացքում հարձակման էին ենթարկվում նաև լրագրողները եւ օպերատորները: Զնայած, որ վերջին տարիներին ցույցերը, հանրահավաքներն ու երթերը հաճախ ուղեկցվել են նաև ԶԼՄ-ների ներկայացուցիչների իրավունքների խախտումներով, սակայն դիտարկվող ժամանակահատվածում դրանք հասել են պիկի: Մասնավորապես, գրանցվել է ընդդեմ լրագրողների եւ օպերատորների 14 ֆիզիկական բռնության դեպք՝ 23 տուժողով: սա 2018 թվականից հետո արձանագրված ամենաբարձր ցուցանիշն է, իսկ տուժողների թվով հավասար է հեղափոխության օրերին գրանցվածին: Ֆիզիկական բռնությունների մեծ մասը՝ 11-ը, ուժային կառույցների անհամաչափ գործողությունների արդյունք է: Եռամսյակի ընթացքում արձանագրվել է լրագրողների նկատմամբ տարատեսակ այլ ճնշումների՝ վիրավորանքների, սպառնալիքների, մասնագիտական գործունեության խոչընդոտումների 9 դեպք: Սրանցից 6-ը գրանցվել է բողոքի ակցիաների ժամանակ (4-ը ընդդիմության ներկայացուցիչների, 2-ը իրավապահների կողմից): Դիտարկվող շրջանում ավելացել է ընդդեմ լրագրողների ու լրատվամիջոցների դատական գործերի հոսքը: ապրիլ-հունիս ամիսներին ներկայացվել է այդպիսի 17 սոր հայց՝ նախորդ եռամսյակի 12-ի դիմաց: Դատական հայցերից 5-ը գործարարների կողմից են, 4-ը՝ իշխանության ներկայացուցիչների, 4-ը՝ քաղաքացիներ:

րի, 2-ը՝ փաստաբանների, 1-ը՝ ՀԿ-ի, 1-ը՝ ընդդիմադիր գործչի կողմից: Պետական մարմիններից պաշտոնական տեղեկություններ ստանալու եւ տարածելու իրավունքի խախտումների քանակը եռամսյակի ընթացքում նվազել է: ԽԱՊԿ-ը գրանցել է այդպիսի 19 դեպք՝ նախորդ եռամսյակի 41-ի դիմաց: Այստեղ խնդրահարույց են մնում լրագրողների եւ լրատվամիջոցների կողմից հայցվող տեղեկությունների տրամադրման անհիմն մերժումները, ներկայացված գրավոր հարցումներին արձագանքելու չարդարացված ուշացումները կամ լողված, հարցերի էության հետ կապ չունեցող պատասխանները: Միջազգային իրավապաշտպան ու լրագրողական կազմակերպությունները՝ Amnesty International, Freedom House, «Լրագրողներ առանց սահմանների», ինչպես նաև ԱՄՆ Պետդեպարտամենտը եռամսյակի ընթացքում անդրադարձել են Հայաստանում լրատվամիջոցների ներկայացուցիչների իրավունքների խախտումներին դեպքերին եւ խոսքի ազատության վիճակին ընդհանրապես՝ արձանագրելով, որ երկրում լրատվամիջոցները շարունակում են մնալ բեռնակր: Ըստ այդ զեկույցների՝ կարեւոր ձեռքբերումներից է ձեւավորված բազմակարծության

միջավայրը: Սրանով պայմանավորված՝ մամուլի ազատության վարկանիշում, ըստ «Լրագրողներ առանց սահմանների» կազմակերպության գնահատականի՝ Հայաստանը 6 կետով բարելավել է իր դիրքերը: նախորդ տարի 180 երկրի ցանկում ՀՀ-ն 49-րդն էր, այս տարի՝ 43-րդը: Սակայն կազմակերպությունը նշել է, որ երկրում ոլորտը կարգավորող իրավական դաշտը բավարար չափով չի պաշտպանում մամուլի ազատությունը եւ չի հետետում եվրոպական չափանիշներին: Այս առումով առավել հրատապ են ԽԱՊԿ-ի եւ գործընկեր լրագրողական կազմակերպությունների, Աժ պրոֆիլակսիին հանձնաժողովի եւ արդարադատության նախարարության կողմից տարվող համատեղ աշխատանքները՝ Մեդիա օրենսդրության բարեփոխումների հայեցակարգի մշակման ուղղությամբ: Այդ գործընթացի տրամաբանությունից է բխում նաև «Զանգվածային լրատվության մասին» օրենքում փոփոխություններ եւ լրացումներ կատարելու նախագիծը, որը ապրիլին ներկայացվել է ՀՀ կառավարությանը: Ավելի ուշ՝ ապրիլի 29-ին, այդ օրինագծի քննարկման համար կայացել են նաև խորհրդարանական լսումներ: ԷՄՄԱ ՄԻՔԱՑԵԼՅԱՆ

ՕՐՎԱ ԽՃԱՆԿԱՐ ՄԻՋՊԵՏԱԿԱՆ ԳՈՐԾԸՆԹԱՑՆԵՐ

«Բայդենի» մրցապայքարից դուրս գալը նշանակում է, որ հայ-արդբեջանական եւ հայ-թուրքական գործընթացները «անտեր» մնացին»: Այս մասին իր ֆեյսբուքյան էջում գրել է միջազգայնագետ Սուրեն Սարգսյանը: «Զգիտեմ ինչու պետք է Ադրբեջանը հիմա համաձայնի խաղաղության համաձայնագիր կնքել Հայաստանի հետ մի վարչակազմի միջնորդությամբ/ճնշմամբ, որին մի քանի ամսվա կյանք է մնացել: Մասնավորապես, որ ոչ Հարրիսի, ոչ էլ Թրամփի վարչակազմի համար այս հարցն առանցքային չի լինելու եւ Բաքուն հանգիստ կարող է սպասել: Նույնը վերաբերում է հայ-թուրքական հարաբերությունների կարգավորմանը, որում Բայդենի վարչակազմը հետաքրքրված էր: Այսպես կոչված «խաղաղության համաձայնագիրը» մինչեւ նոյեմբեր կնքելու միտքը, եթե նույնիսկ Վաշինգտոնինը չէր,

ապա Բայդենի վարչակազմի շահերից էր բխում: Հիմա այս հարցերը «անտեր» են մնացել, քանի որ Բայդենի ճնշումներից վախեցող չկա, իսկ Հայաստանի բոլոր ծվերը մի գամբյուղում դնելու քաղաքականությունը հերթական աղետն է», - գրել է նա: ՀԱՅՏԱՐԱՐԱԳԻՐ «Ժողովուրդ» օրաթերթը գրել էր, որ հուլիսի 18-ին Արաբկիր վարչական շրջանի ղեկավարի տեղակալ էր նշանակվել Սուրեն Վարդյանը: Իսկ ո՞վ է նա. Վարդյանը մինչեւ թաղապետարանում հայտնվելը աշխատել է մի շարք պատկան հաստատություններում՝ պարբերաբար ստանձնելով տարբեր հաստիքներ: Օրինակ՝ 2014-2018 թվականներին աշխատել է ՀՀ սփյուռքի նախարարության աշխատակազմի տեղեկատվության եւ հեռահաղորդակցության վարչությունում՝ որպես առաջին կարգի մասնագետ: 2018-2020 թվականին աշխատել է ՀՀ ԱԳՆ պետական արարողակարգի ծառայության պաշտոնական այցերի բաժնում՝ որպես գլխավոր մասնագետ: 2020-2021 թվականներին եղել է ՀՀ փոխվարչապետի արարողակարգի պատասխանատուն, 2021-2024՝ ՀՀ վարչապետի արարողակարգի պատասխանատուն, 2024-2024՝ ՀՀ ԱԳՆ Պետական արարողակարգի ծառայության պետի տեղակալը: Բանն այն է, որ վարչապետի՝ հունվարի 30-ին կայացրած որոշման համաձայն Սուրեն Վարդյանն ազատվել է վարչապետի արարողակարգի պատասխանատուի պաշտոնից: Հունվարին ազատվել է պաշտոնից, սակայն պաշտոնատար անձի պաշտոնը դադարեցնելու մասին հայտարարագիր չի ներկայացրել Սուրեն Վարդյանը: Այնինչ, 2023 թվականի մայիսի 24-ին Սուրեն Վարդյանը ներկայացրել է պաշտոնատար անձի՝ 2023 թվականի եկամուտների, անշարժ գույքի, ծախսերի եւ շահերի հայտարարագիր: Շարունակությունը՝ ArmLur.am կայքում:

ԻՐԱՎԱԿԱՆ

ՀԱՆԳԱՄԱՆՔՆԵՐԸ ՊԱՐԶՎԵԼ ԵՆ

ԳՅՈՒՄՐՈՒ ԲՆԱԿՉՈՒՂՈՒ ՄՊԱՆՈՒԹՅԱՆ ԳԵՊՔԸ

Պարզվել են Գյումրի բազմի բնակիչ Վարդուհի Հակոբյանի սպանության դեպքի մի շարք էական հանգամանակներ, այդ թվում՝ ենթադրյալ հանցագործությունը կատարած անձի ինֆորմյունը, ինչպես նաև շարժառիթը:



Ավելի վաղ տեղեկացրել ենք, որ 2024թ. հուլիսի 21-ին քաղաքացուց հարդորում էր ստացվել այն մասին, որ երկար ժամանակ քրոջից Գյումրի քաղաքի Ջափարիձե փողոցի տներից մեկում ապրող Վարդուհի Հակոբյանից, տեղեկություն չունենալով, վերադարձել է, տան դուռը կոտրելով՝ ներս է մտել և տանը հայտնաբերել քրոջ դին:

Դեպքի վայրի զննությամբ նշված տան հյուրասենյակի հատակին հայտնաբերվել էր սավանով ծածկված նեխած դի՝ գլխից մինչև գոտկատեղը ճամպուրկի մեջ դիրքում: Ըստ դատաբժիշկ-փորձագետի հայտարարության՝ այն մի քանի ամսվա մահվան վաղեմություն ունի:

2024թ. հուլիսի 22-ին սպանությունը կատարելու կասկածանքով ձերբակալվել էր Գյումրի քաղաքում հաշվառված, սակայն Կոտայքի մարզում բնակվող 49-ամյա մի տղամարդ, ով մինչև դեպքը, մի քանի ամիս տուժողի հետ բնակվել էր վերջինիս՝ Գյումրի քաղաքում գտնվող նշված տանը:

ՀՀ քրեական օրենսգրքի 155-րդ հոդվածի 1-ին մասով նախաձեռնված քրեական վարույթի շրջանակներում ՀՀ քննչական կոմիտեի Շիրակի մարզային քննչական վարչությունում քննվող քրեական վարույթի շրջանակներում իրականացված քննչական և վարույթային մեծածավալ գործողությունների, ոստիկանության ծառայողների կողմից իրականացված օպերատիվ-հետախուզական միջոցառումների արդյունքում պարզվել է, որ Գյումրի քաղաքի 49-ամյա բնակիչը, Վարդուհի Հակոբյանի հետ գտնվելով փաստական ամուսնական հարաբերությունների մեջ, 2023 թվականի ապրիլ-մայիս ամիսներին, քննությանը դեռևս չպարզված օրը, վերոնշյալ հասցեի տան հյուրասենյակում, իր երեխաների մասին կնոջ արած արտահայտությունների պատճառով առաջա-

րի համայնքի խնամակալության և հոգեբարձության հանձնաժողովի նախագահին նրա օրինական ներկայացուցիչ ճանաչելու մասին:

Քրեական վարույթի շրջանակներում կատարված՝ տղամարդու անձնական խուզարկությամբ վերջինիս տաբատի գրպանից հայտնաբերվել է երկու գույք բանալի, որոնք, պարզվել է՝ Վարդուհի Հակոբյանի տան մուտքի դռան և դարպասի բանալիներն են:

Ձեռք բերված բավարար փաստերի հիման վրա 49-ամյա տղամարդուն մեղադրանք է ներկայացվել՝ ՀՀ քրեական օրենսգրքի 155-րդ հոդվածի 2-րդ մասի 9-րդ կետով (սպանությունը՝ կատարված մերձավոր ազգականի, զուգընկերոջ կամ նախկին զուգընկերոջ կողմից):

Միջնորդություն է ներկայացվել դատարան նրա նկատմամբ կալանավորումը որպես խափանման միջոց կիրառելու վերաբերյալ, որը բավարարվել է:

Նախաքննությունը շարունակվում է:

ԵՆԱՐ ՍԱՆՈՒԿՅԱՆ

ՔՐԵԱԿԱՆ

ՁԵՐԲԱԿԱԼԵԼ ԵՆ Մ. ՄԱԽՍՈՒԳՅԱՆԻՆ ԵՎ ՆՐԱ ԵՂՔՈՐԸ

«Տավուշը հանուն հայրենիքի» շարժման անդամ Միհրան Մախսուդյանին և նրա եղբորը ձերբակալել են: Այս մասին հայտնում է «Ազգային ճակատը»:

Իրավապահները խուզարկել են պահեստագործի գնդապետ, Միհրան Մախսուդյանի եղբոր՝ Եղիշե Մախսուդյանի՝ Ոսկեպարում գտնվող տունը և ձերբակալել Մախսուդյան եղբայրներին:

ՔԱՂԱՔԱՊԵՏՆ ԱԶԱՏՎԵԼ Է ՏՆԱՅԻՆ ԿԱԼԱՆՔԻՑ

Արցախի Հանրապետության Մարտակերտի քաղաքապետ Միշա Գյուրջյանն ազատվեց տնային կալանքից: Այս մասին իր ֆեյսբուքյան էջում գրել է փաստաբան Արսեն Բաբայանը:

«Հուսամ ընկալական կոմիտեն շուտով կիրառվի քրեական հետապնդումից»,- գրել է նա:

Հիշեցնենք, որ Գյուրջյանը ձերբակալվել էր 2024 թվականի մայիսի 25-ին, ինչից հետո դատարանի որոշմամբ՝ երկու ամսով կալանավորվել էր: Հունիսի 27-ին, սակայն, նրա կալանքը փոխարինվել էր տնային կալանքով:

Նշենք, որ Գյուրջյանը մեղադրվում է խարդախությամբ խոշոր չափերով հափշտակության և փաստաթղթեր կեղծելու համար: Ըստ ԶԿ-ի՝ նա խմբի հետ փաստաթուղթ է կեղծել և կատարել խոշոր չափերով գույքի հափշտակություն՝ 1.935.000 դրամ արժողությամբ «CHEVROLET LACETTI-1.4»:

Նրան մեղադրանք է ներկայացվել ՀՀ քրեական օրենսգրքի 255-րդ հոդվածի 2-րդ մասի 1-ին և 3-րդ կետերով (խարդախություն) և 457-րդ հոդվածի 2-րդ մասով (փաստաթղթեր, դրոշմներ, կնիքներ, ձեւաթղթեր կեղծելը կամ կեղծ փաստաթղթեր, դրոշմներ, կնիքներ, ձեւաթղթեր իրացնելը, պատրաստելը կամ օգտագործելը):

ՎԱՐՉԱԿԱՆ ՀՄԿՈՂՈՒԹՅՈՒՆ

Ասկերանի քաղաքապետի Հայկ Շամիրյանի նկատմամբ որպես խափանման է միջոց կիրառվել վարչական հսկողությունը: Այս մասին իր ֆեյսբուքյան էջում հայտնել է փաստաբան Վահե Եփրիկյանը:

«Դատարանը, նախագահությամբ Ռ. Մարիկյանի, ՀՀ քրեական օրենսգրքի 46-236-րդ հոդվածի 2-րդ մասով, 255-րդ հոդվածի 3-րդ մասի 3-րդ կետով և 457-րդ հոդվածի 1-ին մասով մեղադրվող Ասկերանի քաղաքապետ Հայկ Շամիրյանի նկատմամբ ընտրված տնային կալանքը երկարացնելու մասին քննիչի միջնորդությունը քննության առնելով՝ որոշեց այն մասնակի բավարարել՝ որպես խափանման միջոց կիրառելով վարչական հսկողությունը», - գրել է փաստաբանը:

ՊԱՏՃԱՌՆԵՐ

ԶՈՐԱԿՈՉԻ ԵՐԿԱՐԱՋԳՄԱՆ ԱՌՆՉՈՒԹՅԱՄԲ

Ինչո՞ւ ՀՀ կառավարությունը երկարձեռն 2024 թվականի ամառային գործառնությունը: Բան այն է, որ իրավադատ համակարգը և այլ կառույցներ չեն կարողանում հիմնավորել անձանց առողջական խնդիրներ ունենալու կամ չունենալու հարցը, ինչի արդյունքում էլ որոշել են գորակազմ երկարձեռն:

Օրինակ, հայտնել էինք, որ «օրենքով գող» օջականցի Գեորգիյ որդին՝ Սարգիս Մելիքյանը, հրաժարվում է փորձաքննության ենթարկվել: Իրավապահ մարմինները գրեթե բոլոր իրավական գործընթացներով փորձում են հասնել այն հարցին, որ «օրենքով գող»-ի տղան կեղծիքների արդյունքում է ազատվել պարտադիր զինվորական ծառայությունից: Ավելին՝ «Ժողովուրդ» օրաթերթին հասած տեղեկությունների համաձայն, օրենքով գող օջականցի Գեորգիյ որդին այս պա-

հին ազատության մեջ է, սակայն նրա՝ բաժնակից ազատման հիմքերը ստուգելու հարցում լուրջ գործընթաց է մեկնարկվել:

2024 թվականի հունվարի 31-ին, ՀՀ ազգային անվտանգության ծառայության Արագածոտնի մարզային վարչությունում օպերատիվ տեղեկություններ են ստացվել, թե որտեղ է գտնվում Օջական գյուղի բնակիչ 21-ամյա Սարգիս Մելիքյանը: Shamshtyan.com-ը հայտնել էր, որ ԱՄՏ Արագածոտնի մարզային վարչության ծառայողները և նրանց միացած մյուս իրավապահները Օջականում հայտնաբերել են Ս. Մելիքյանին և բերման ենթարկել ոստիկանության Աշտարակի բաժին:

Սկզբնաղբյուրի տեղեկություններով՝ վերջինիս նկատմամբ ՀՀ վերաքննիչ քրեական դատարանը 2023 թվականի հունիսին որոշում է կայացրել որպես խափանման միջոց կալանավորումը: Նրա նկատմամբ քրեական վարույթ է նախաձեռնվել ՀՀ նախկին քրեական օրենսգրքի 327-րդ

հոդվածի 2-րդ մասի 2-րդ կետի հատկանշներով (զինվորական ծառայությունից խուսափելը):

Հավելենք նաև, որ պաշտոնապես կառավարությունը հայտնել էր, որ 2024 թվականի ամառային գորակազմի անցկացման ժամկետը երկարաձգել է մինչև օգոստոսի 15-ը ներառյալ:

Որոշման նախագիծը ներառված է կառավարության հուլիսի 25-ի նիստի չզեկուցվող հարցերի փաթեթում:

Որոշման նախագիծը ընդունումը պայմանավորված է հայտարարված՝ 2024 թվականի ամառային գորակազմի շրջանակներում գորակազմի ենթակա քաղաքացիների առողջական վիճակի հետազոտման գործընթացն ավարտին հասցնելու և դրանց արդյունքներով քաղաքացիների գորակազմի կարգավիճակը հստակեցնելու նպատակով գորակազմի անցկացման ժամկետը երկարաձգելու անհրաժեշտությամբ:

● Ըստ ոստիկանության տվյալների՝ հուլիսի 24-ից հուլիսի 25-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 84 դեպք:

ՀԱՍԱՐԱԿՈՒԹՅՈՒՆ

ՄԱՐԶ

ԿՈՌՈՒՊՑԻԱՆ «ՀԻՄՆԱՏԱՎՈՒՇ» ՀԻՄՆԱԳՐԱՄՈՒՄ

2010թ. մայիսի 22-ին Իջեանում Ֆրանսիայի Օ-Դը-Սենի գլխավոր խորհրդի և խազահ Պատրիկ Դեմեյանը եւ Տավուշի մարզպետ Արմեն Դուլարյանը ստորագրել են համատեղ նկատառումների հուշագիր: 2011թ. մարտին Ֆրանսիայում կողմերը ստորագրել են Օ-Դը-Սենի գլխավոր խորհրդի եւ Տավուշի մարզի միջեւ ապակեկտրոնացված համագործակցության շրջանակային պայմանագիր. հետագայում համագործակցության նոր համաձայնագրեր են կնքվել: «ՀիմնաՏավուշ» գարգացման հիմնադրամը ստեղծվել է Ֆրանսիայի հայկական հիմնադրամի կողմից: Օ-Դը-Սենի գլխավոր խորհրդի ղեկավար տամենտի աջակցությունն ուղղված է Տավուշի մարզի գյուղատնտեսության գարգացմանը, աշխատատեղերի ստեղծմանը, Տավուշի սահմանագծու բնակիչների կենսամակարդակի բարելավմանը: «ՀիմնաՏավուշ» գարգացման հիմնադրամի գործունեությունը համակված է մեծ կոռուպցիայով, գումարների միտումով: Նախկինում գրել ենք «ՀիմնաՏավուշ» հիմնադրամի Լուսաձորի անսանաֆերմայում 19 ցեղական կովերի սատկելու, 2016թ. հուլիսին Լուսաձորի պանրագործարանի արտադրանք 3.5 տոննա պանիրը ոչնչացնելու՝ հորելու եւ այլնի մասին: Հիմնադրամում իշխում են «կոռուպցիոն բարեկամական» կապերը: Սուրեն Գեորգյանը, լինելով Ֆրանսիայի հայկական հիմնադրամի տնօրեն, նաեւ «ՀիմնաՏավուշի» տնօրենն է, նրա կինը՝ Հասմիկը, Լուսաձորի պանրագործարանի արտադրանքն իրացնող «ԷկոՏավուշի» տնօրենը, վերջինիս հորեղբոր որդին՝ Տիգրան Տոնոյանը՝ «ՀիմնաՏավուշի» փոխտնօրենն է: Տիգրան Տոնոյանը նախկինում Երեւանի քաղաքապետարանում վարորդ է աշխատել, Հասմիկը, կամ ինչպես նրան կոչում են՝ Նանա Գեորգյանը, երաժշտության մասնագետ է, նա ինչպե՛ս կարող է գյուղատնտեսական մթերքների արտադրության եւ իրացման բիզնեսն արդյունավետ դեկավարել: Իրենց ենթակայությամբ Լուսաձորում գյուղատնտես աշխատող Կարինեն մասնագիտությամբ կապ չունի գյուղատնտեսության հետ, սակայն գյուղատնտեսի հաստիք է զբաղեցնում, նրա համար հիմնադրամը բնակարանի վարձի մեծ գումար է մուծում: «ՀիմնաՏավուշ»-ում տիրող բարեբերի, աշխատողների հետ վատ վերաբերմունքի մասին նախկինում հրապարակումներ են ունեցել (խմբ.): «ՀիմնաՏավուշ» գարգացման հիմնադրամից մեր արջուրները հայտնում են, որ պարբերաբար անցկացվող աուդիտները կեղծ տվյալներ են ներկայացնում, միևնրեք հիմնադրամը անտրամաբանական մեծ գումարներ է ծախում, միտում տակններ գնելու համար: 2013թվականին Իջեանի տարածաշրջանի Դիտավան գյուղի նախկին գյուղապետ Սեյրան Սարգսյանը եւ Դիտավանի 3 այլ բնակիչներ դատի են տվել հիմնադրամին: Դիտավանցիների հայրը վերաբերում է 2012թ. Դիտավանում ցանկված 10 հա եգիպտացորենին, որից ստացված սիլոսը պետք է օգտագործվեր հիմնադրամի կողմից՝ մարզի Լուսաձոր գյուղում հիմնված տոնային անսանապահական ֆերմայի կովերին կերակրելու համար: Ըստ պայմանագրի՝ «ՀիմնաՏավուշ»-ը հնձի շրջանում պետք է ապահովեր տեխնիկայով, ինչը չի արել:

ՈՍԿԱՆ ՍԱՐԳՅԱՆ Տավուշ

ՆՈՐ ՈՐՈՇՈՒՄ

ՏԱՐԻՔԱՅԻՆ ՇԵՄԻ ՓՈՓՈԽՈՒԹՅՈՒՆ

Երեկ կառավարության որոշմամբ ընդայնվել է անվճար եւ արժեքայազան մանրեղ վերահարողական օժանդակ սեխնուղղիաների կիրառմամբ բժշկական օգնության եւ սղասարկման իրավունք ունեցող շահառուների շրջանակը, հայտնում են ՀՀ առողջապահության նախարարությունից:

«Հայաստանի Հանրապետության վարչապետի մոտ կայացած խորհրդակցության (2023թ. դեկտեմբերի 18) ընթացքում տրված հանձնարակակալի համաձայն՝ փոփոխությունը պայմանավորված է անպտղության հաղթահարման ծրագրի ընդլայնման եւ շահառուների նոր խմբեր ներառելու անհրաժեշտությամբ:

Ծրագրի ընդլայնման արդյունքում ծառայություններից կօգտվեն՝

ՀՀ քաղաքացի կամ ԼՂ-ից բռնի տեղահանված, ժամանակավոր պաշտպանության տակ վերցված, փախստական ճանաչված՝ 2 տարի եւ ավելի անպտղության ախտորոշում ունեցող անզավակ կանայք, որոնց տրամադրվում է ծառայությունների ամբողջական փաթեթ, նախկին կարգավորմամբ սահմանված տարիքային վերին շեմ 36-ի փոխարեն սահմանվել է մինչեւ 40 տարեկանը ներառյալ:

1 Երեխա ունեցող՝ երկրորդային անպտղության ախտորոշում ունեցող՝ նախկին կարգավորմամբ սահմանված սահմանամերձ բնակավայրերի բնակիչների փոխարեն, ներարգանդային սերմնավորման փորձերի եւ արտամարմային բեղմնավորման 1 փորձի հնարավորություն է տրամադրվում ՀՀ քաղաքացի հանդիսացող կամ ԼՂ-ից բռնի տեղահանված, ժամանակավոր պաշտպանության տակ վերցված, փախստական ճանաչված բոլոր զույգերին, որոնցից կինը



պատկանում է 20-36 (ներառյալ) տարիքային խմբին:

28-42 (ներառյալ) տարեկան Լեռնային Ղարաբաղից բռնի տեղահանված, ժամանակավոր պաշտպանության տակ վերցված, փախստական ճանաչված անզավակ կանայք:

Կանոնակարգվել է նաեւ նախկինում շահառու չհանդիսացող, սակայն ծրագ-

րի ընդլայնման արդյունքում շահառու դարձած անձանց՝ ծառայությունների քանակից օգտվելու իրավունքը, ինչպես նաեւ պետական պատվերի շրջանակներում սառեցման ենթակա սաղմերի քանակը եւ պահպանման ժամկետը», - ասված է հաղորդագրության մեջ:

ԱՆՆԱ ՍՐԿՈՒՆՅԱՆ

ՆՈՐՈՒԹՅՈՒՆՆԵՐ

ՀՅՈՒՐԸՆԿԱԼԵԼ Է «ՀԱՅԱՍՏԱՆԻ ԳԻՆԻՆԵՐ» ՆԿ ԱՆԳԱՄՆԵՐԻՆ

Օրերս «ArLeAM» ընկերության ներկայացուցիչները հյուրընկալել են «Հայաստանի գինիներ» ՀԿ անդամներին: Գինեգործների համայնքի 29 ներկայացուցիչներ շրջել են ընկերության ինտենսիվ այգիներում, ծանոթացել ընկերության աշխատանքներին եւ համոտեսել «Door» բրենդի պրեմիում գինիները: Հանդիպման օրակարգի շրջանակում քննարկվել են ոլորտի մի շարք հիմնախնդիրներ՝ խաղողի այգիների խնամքը, կառավարման, պահպանման մեթոդները, գինու որակի բարելավումը եւ օրգանական գինու մշակումը:

«Գինեգործության ոլորտի համար կենսական նշանակություն ունի մեր տեղական արտադրանքի վարկանիշի, ճանաչելիության եւ մրցունակության բարձրացումը, որը հնարավորություն կտա ներկայացվածությունն ապահովելու նոր շուկաներում», - ասել է «ArLeAM» եւ «Door» բրենդները ներկայացնող ընկերության տնօրեն Լեւոն Խաչատրյանը:

«ArLeAM»-ը նորարարական ապրանքանիշ է, այն առաջարկում է առանց հավելանյութերի, բնական, ինքնուրույն

աճեցված արտադրանք, որոնց կողքին իր ուրույն տեղն է զբաղեցնում «Door» գինու ապրանքանիշը: 2022 թվականից ընկերությունն անդամակցում է «Հայաստանի գինիներ» ՀԿ-ին, որի ջանքերով հայկական գինիները առաջ են մղվում հովանոցային՝ «Wines of Armenia» ապրանքանիշի ներքո՝ տեղի եւ միջազգային ամենատարբեր հարթակներում:

ԸՆԹԱՆՈՒՄ Է 10-ԲԳ «ԱՐՄԱԹ» ՏԵԽՆՈՃԱՄԲԱՐԸ

Հուլիսի 19-28-ը Դիլիջանի Սոնթե Սելքոնյանի անվան վարժարանում անցկացվում է «Արմաթ» ամառային տեխնոլոգիական ճամբարը՝ նախատեսված 10-14 տարեկան պատանիների համար: Հայաստանի բոլոր մարզերից մասնակիցները կմիավորվեն կրթության, ժամանցի, սպորտի, մշակույթի եւ հայրենաճանաչողական արձակների շուրջ՝ ստանալու հիմնարար գիտելիք, գործնական հմտություններ ու թիմում աշխատելու փորձ: Սա հետագայում նրանց հնարավորություն կընձեռնի առավել համարձակ շարունակելու իրենց դասընթացները, հետագայում առավել ճկուն կողմորոշվելու մասնագիտական ընտրության հարցում:

Ճամբարին մասնակցելու են նոր «Արմաթներ» հաճախող եւ նույնիսկ «Արմաթ» չհաճախող պատանիները: Նպատակն է՝ խտացված օրակարգով՝ մասնակիցներին հիմնովի պատկերացում տալու ճարտարագիտական աշխարհի մասին, համայնքի մաս դարձնել նրանց, որն էլ իր հերթին նրանց հետագա ուսումնառությունն ավելի արդյունավետ կդարձնի:

Այս 9 օրերի ընթացքում տեխնոճամբարը խթանում է պատանիների թիմային մտածելակերպը, բացահայտում նրանց ուժեղ եւ թույլ կողմերը, սովորեցնում հետադարձ կապի հմտությունը եւ արդյունքակետորեն աշխատանքը:

Ճամբարում երեխաների առօրյան հագեցած է՝ ռոբոտաշինության մրցույթին նախապատրաստություն, ողջ մնալու արվեստի վարժանքներ, առաջին բուժօգնության դասընթաց, լողի ու ֆուտբոլի առաջնություն ջոկատների միջեւ, ինտելեկտուալ ու ժամանցային խաղեր, քայլարշավ եւ այլն:

Մրցույթի արդյունքները կամփոփվեն եւ մրցանակաբաշխությունը տեղի կունենա հուլիսի 27-ին՝ ժամը 14:30-ին:

Այս տարի «Արմաթ» տեխնոճամբարի իրականացման աջակիցներն են ԿԳՄՍ նախարարությունը, VMware, Adobe, ZCMC, «Մասիս» եւ «Մոսկվայի Տուն» ընկերությունները:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 8 պատահար. 1 մարդ զոհվել է, 16-ը՝ ստացել տարբեր աստիճանի մարմնական վնասվածքներ:

ՎԵՐԱԿԱԶՄԱՎԵՐՊՈՒՄ

«ՀԱՅՖԻԼՄԻ» ԻՐԱՎԱՐԱԶՈՐԻ ՀԻՄՆԱԳԻՐԱՄ

ՀՀ կառավարության որոշմամբ՝ «Հայաստանի ազգային կինոկենտրոն» ղեկավարն ոչ առեսային կազմակերպությունը վերակազմակերպվել է Հայաստանի կինոյի հիմնադրամի, որի սֆորեյի ժամանակավոր դաւսնակասար է նշանակվել Գավիթ Բանուշյանը:



Այդ առիթով ՀՀ կրթության, գիտության, մշակույթի եւ սպորտի նախարար Ժաննա Անդրեասյանը եւ նախարարի տեղակալ Դանիել Դանիելյանն այցելել են Հայաստանի կինոյի հիմնադրամ, որտեղ անձնակազմին է ներկայացվել կառույցի նոր ղեկավարը:

Նախարարը Գավիթ Բանուշյանի ուղեկցությամբ շրջայց է կատարել հիմնադրամում, զրուցել աշխատանքային թիմի հետ, ծանոթացել կառույցի առաջիկա ծրագրերին եւ անելիքներին:

Ժաննա Անդրեասյանը շնորհակալություն է հայտնել անձնակազմին եւ Հայաստանի ազգային կինոկենտրոնի նախկին տնօրեն Շուշանիկ Միրզախանյանին՝ այս տարիներին կատարած աշխատանքի համար:

Շնորհավորելով նորանշանակ տնօրեն Գավիթ Բանուշյանին կառույցի ղեկավարումը ստանձնելու կապակցությամբ՝ Ժաննա Անդրեասյանը նշել է, որ 100-ամյա ավանդույթներ եւ փորձառություն ունեցող «Հայֆիլմի» իրավահաջորդ հանդիսացող հիմնադրամի ղեկավարումը լուրջ հանձնառություն ու պատասխանատվություն է: «Կատարեմ, որ հիմնադրամի թիմի հետ համատեղ այս աշխատանքը մեծ հաջողությամբ կշարունակվեք եւ կգրանցեք նոր արդյունքներ:

Իրականում կինոյի ոլորտից մեր ակնկալիքները շատ մեծ են, եւ վերջին տարիներին կատարված օրենսդրական փոփոխությունները զարգացման նոր հեռանկարներ են բացում: Ներկայում գտնվում ենք շատ կարելի փուլում: Այս պահին մի քանի ենթաօրենսդրական ակտեր են շրջանառվում, որոնք ընդունվելու դեպքում էապես մեծացնելու են իրականացվող աշխատանքի ծավալն ու գործառնությունը: Այդ իմաստով, իհարկե, հիմնադրամը կարիք է ունենալու որոշակի վերազնահատման եւ գործառնությունների վերապահամարման՝ թիրախային արդյունքներ գրանցելու եւ առավել արդյունավետ աշխատելու տեսանկյունից: Ըստ էության՝ մենք ուզում ենք, որ Հայաստանում կինոարտադրության զարգացման պոտենցիալն ամբողջությամբ իրացվի, քանի որ ունենք հսկայական ժառանգություն եւ մեծ ներուժ կինոարտադրության խթանման համար: Այստեղ մեր ամենակարեւոր անելիքը աջակցությունն է ոլորտին, ժառանգության պահպանումն ու հանրահռչակումը»: Նախարարի խոսքով՝ քննարկվում են նաեւ ոլորտի հնարավորությունների էական բարելավման հարցերը:

«Ակադեմիական քաղաքի գլխավոր հատկազոյի տեսլականում առանձին մաս է կազմում նաեւ «Հայֆիլմի» տարածքը, որը պլանավորվում է զարգացնել՝ որպես կինոարտադրության տարածք: Կարելի էրում եմ հիմնադրամի ներգրավվածությունն այս քննարկումներում, որպեսզի հասկանաք, թե ինչպէս կարող ենք այդ տարածքում եղած ավանդույթները, հնարավորությունները եւ փորձառությունը զարգացնելով ու վերափոխելով՝ ստանալ ժամանակակից կինոարտադրության լավագույն պայմանները: Այստեղ, իհարկե, կունենանք շատ լավ հնարավորություն կինոկրթությունը կապել կինոարտադրության շրջափուլին՝ դրանով նաեւ ունենալով կինոկրթության որակի էական բարձրացումը»:

Այս բոլոր աշխատանքներում հիմնադրամի դերը նախարարը համարել է առանցքային՝ շեշտելով, որ դրա առաջ-

նորդությունը եւ նախաձեռնողականությունը վճռորոշ են լինելու առաջընթացի գրանցման ճանապարհին: Ժաննա Անդրեասյանը հաջողություններ է մաղթել հիմնադրամի նորանշանակ տնօրենին եւ ողջ անձնակազմին:

Հիմնադրամի նորանշանակ ղեկավար Գավիթ Բանուշյանն իր հերթին շնորհակալություն է հայտնել նախարարին վստահության եւ ընձեռնված հնարավորության համար՝ նշելով, որ մեծ պատիվ է ստանձնել Հայաստանի կինոյի հիմնադրամի կառավարումը, որը հանդիսանում է իրավահաջորդը հարյուրամյա կինոժառանգություն եւ ավանդույթներ ունեցող պատմական «Հայֆիլմի»:

Նախարարը շնորհավորել է նաեւ ռեժիսոր Զառա Ջյանին եւ ողջ անձնակազմին՝ Սերգեյ Փարաջանովիի նվիրված «Ես վրեժխնդիր կլինեմ աշխարհից սիրո միջոցով» ֆիլմը Վենետիկի կինոփառատոնի մրցութային ծրագրում ընդգրկվելու կապակցությամբ:

Ժաննա Անդրեասյանը հավաստիացրել է, որ նախարարությունը շարունակելու է աջակցել ոլորտի առաջընթացին եւ զարգացմանն ուղղված բոլոր ծրագրերին:

ՀՈՐԻ ԲԱՂԱՍՏԱՐՅԱՆ

ՄԱՐԶԱԿԱՆ

Գ. ԲԵԳԼԱՐՅԱՆԸ՝ ՄԵԴԱԿԵՐ

Հայաստանի ֆիզիկական կուլտուրայի եւ սպորտի պետական ինստիտուտի ուսանող Գեորգ Բեգլարյանը դարձել է Եվրոպական համալսարանական խաղերի (EUG) ծրագրով անցկացվող պարա սեղանի թենիսի առաջնության բրոնզե մեդալակիր:

Նրան ուղեկցել է մարզիչ Ռիմա Բեգյանը:

Հունգարիայի Դեբրեցեն եւ Միշկոլց քաղաքներում ավարտված խաղերում Հայաստանի թենիսի առջինների հավաքականը 16 թիմերի մրցապայքարում զբաղեցրել է 5-րդ հորիզոնականը: Թիմի կազմում հանդես են եկել Այա Պողոսյանը, Ռիմա Խլղաթյանը եւ Մանե Ղազարյանը:

Թիմի մարզիչն է ՀՀ սեղանի թենիսի ազգային հավաքականի մարզիչ, ՀՀՀՖ ֆիզդաստիարակության, արտակարգ իրավիճակների եւ քաղաքաշտպանության ամբիոնի դասախոս Մեսրոպ Ղուկասյանը:

Հայաստանի ուսանողական մարզական ֆեդերացիայի նախագահ Հովհաննես Գաբրիելյանի խոսքով՝ թենիսիստները հանդես են բերել մարզական բարձր պատրաստականություն, կամային որակներ եւ պայքարել են մինչեւ վերջ:

Ենթախմբում, որում ընդգրկված էին Մեծ Բրիտանիայի Լոնդոնի տնտեսագիտության եւ քաղաքագիտության դպրոցը, Թուրքիայի Ս. Դեմիրելի համալսարանը եւ Ալբանիայի համալսարանը, մեր հավաքականը երեք հաղթանակ է տարել, իսկ քառորդ եզրափակչում պարտվել է մրցաշարի ապագա չեմպիոնին՝ Զագրեբի համալսարանի թիմին: Անհատական պայքարում եւ զուգահեռում մեր աղջիկները սահմանափակվել են մեկական հաղթանակով:

ՖՈՒՏԲՈՒԼ ԴԱՏԱՌԹՅԱՆ ԱՄԵՆԱԵՐԿԱՐ ՀԱՆԳԻՊՈՒՄԸ

2024 թվականի Օլիմպիական խաղերի ֆուտբոլի մրցաշարի խմբային փուլի 1-ին տուրի՝ Արգենտինայի ազգային հավաքականի եւ Մարոկկոյի սկանդալային հանդիպումը (1:2) մտել է համաշխարհային ֆուտբոլի պատմության մեջ՝ որպես ամենաերկար խաղ:

Հանդիպման մեկնարկային սուլիչը հնչել է Երեւանի ժամանակով 17:00-ին: Հաշի առնելով խաղի հետաձգումն ու վերսկսումը՝ հանդիպումն ավարտվել է Երեւանի ժամանակով 21:07-ին: Այսպիսով՝ խաղը տեւել է 4 ժամ 7 րոպե:

Հիշեցնենք, որ հանդիպման 90+16-րդ րոպեին՝ Արգենտինայի հավաքականի կիսապայքարական Քրիստիան Մեդինայի գոլից հետո, որի շնորհիվ հանդիպման հաշիվը հավասարվեց, ճայթրուկներ են նետվել հարավամերիկյան թիմի խաղացողների վրա: Բացի այդ, խաղադաշտ են վագել Մարոկկոյի հավաքականի երկրպագուները: Խաղն ընդհատվել է անկարգությունների պատճառով:

Երկու ժամ անց՝ հանդիպման վերսկսումից հետո, արգենտինացիների երկրորդ գոլը չեղարկվել է խաղից դուրս իրավիճակի պատճառով, ինչի արդյունքում Մարոկկոն 2:1 հաշիվով հաղթանակ է տարել:

«ՍԻՄՖՈՆԻԿ ԶԵՔՍՈՆ»

ՀԱՋՈՂՈՒԹՅԱՐԻ ԿԱՅԱՑԱԾ ՀԱՄԵՐԳԱՅԻՆ ԾՐԱԳԻՐ

«Ֆասթ բանկի» աջակցությամբ Կարեն Գեմիհրջյանի անվան մարզահամերգային համալիրում օրերս կայացել է «Սիմֆոնիկ Ջեքսոն» համերգային ծրագիրը:

Հայաստանի պետական սիմֆոնիկ նվագախմբի գեղարվեստական ղեկավար եւ գլխավոր դիրիժոր Սերգեյ Սմբատյանի ղեկավարությամբ միախյուսվել են դասական սիմֆոնիկ երաժշտությունն ու փոփի արքա, լեգենդար Մայքլ Ջեքսոնի հանրահայտ ստեղծագործությունները: «Billie Jean»-ը, «Remember the Time»-ը, «You Are Not Alone»-ը եւ

Ջեքսոնի մյուս գլուխգործոցները հնչել են տարբերվող մատուցմամբ ու լուծումներով՝ հարստացված հայկական դուդուկի ելեւելներով:

Հայաստանի պետական սիմֆոնիկ նվագախմբի գեղարվեստական ղեկավար եւ գլխավոր դիրիժոր Սերգեյ Սմբատյանը վստահեցնում է՝ «Սիմֆոնիկ Ջեքսոնի» նման նախագծերն օգնում են ավելի շատ մարդկանց ճանաչել սիմֆոնիկ երաժշտությունը եւ նվագախմբի աշխատանքը: «Մենք հավատում ենք երաժշտության ուժով մարդկանց միավորմանը եւ ներքին կատարելագործմանն ու հոգեւոր վերելքի ձգտմանը: «Ֆասթ

բանկը» եւ «Ֆասթեքսը» մեծ սիրով արձագանքեցին աջակցելու մեր խնդրանքին, համերգի մեր գաղափարին: Իսկապես շնորհակալ եմ մեր գաղափարակիցներին», - ասել է Սերգեյ Սմբատյանը:

Բարձրակարգ երաժշտությունն ավելի ճանաչելի դարձնելու, համաշխարհային լեգենդների ստեղծագործությունները հայկական բեմերից եւ հայկական ելեւելներով հանդիսատեսին ներկայացնելու գաղափարը կարելու էր «Սիմֆոնիկ Ջեքսոնի» գլխավոր գործընկեր «Ֆասթ բանկ»-ը ապագայում եւս շարունակելու է աջակցել մշակութային նմանատիպ նախագծերին:

● Հուլիսի 29-ին՝ ժամը 20:30-ին, թատրոն տանիքում կցուցադրվի «Մեծն Գեթսբի» ներկայացումը՝ Ֆ. Ֆիցջերալդի համանուն ստեղծագործության հիման վրա: Տոմսերի արժեքը՝ 6000-7000 դրամ:



ՍՈՑԻԱԼԱԿԱՆ

ՀԱՐՑ. Անչափահասին կամ անգործունակ կամ սահմանափակ գործունակ անձին կենսաթոշակ նշանակելու համար ո՞վ դեմ է դիմի կենսաթոշակ նշանակող մարմին:
Թերեզա Հայրապետյան (52 տարեկան)



ՊԱՏԱՍԽԱՆ. Անգործունակ կամ սահմանափակ գործունակ կամ մինչև 14 տարեկան անչափահաս անձին կենսաթոշակ նշանակելու համար նրա հաշվառման վայրի կենսաթոշակ նշանակող ստորաբաժանում գրավոր դիմում է ներկայացնում ծնողը (որդեգրող կամ խնամակալը կամ հոգաբարձուն): Եթե անչափահաս կամ անգործունակ կամ սահմանափակ գործունակ անձի օրինական ներկայացուցիչը համապատասխան կազմակերպությունն է (մանկատունը կամ հոգեբուժարանը), որտեղ գտնվում է անչափահաս կամ անգործունակ կամ սահմանափակ գործունակ անձը, նրան կենսաթոշակ նշանակելու համար գրավոր դիմումը եւ անհրաժեշտ փաստաթղթերը կազմակերպության գտնվելու վայրի կենսաթոշակ նշանակող ստորաբաժանում է ներկայացնում այդ կազմակերպության ղեկավարը կամ նրա լիազորած անձը: 14 տարեկան անձն իրավունք ունի կենսաթոշակ նշանակելու համար դիմել անձամբ:

ՀՀ աշխատակազմի և սոցիալական հարցերի նախարարություն

«ԺՈՂՈՎՈՒՐԳ». Տարիքային կենսաթոշակի իրավունք ձեռք բերելու դեպքում արտոնյալ պայմաններով, երկարամյա ծառայության կամ մասնակի կենսաթոշակի փոխարեն, անկախ կենսաթոշակառուի դիմումից՝ նշանակվում է տարիքային կենսաթոշակ, իսկ հաշմանդամության կենսաթոշակ կամ կերակրողին կորցնելու դեպքում կենսաթոշակ ստանալու կամ այդ իրավունքը ձեռք բերելու դեպքում կենսաթոշակի տեսակը փոխվում է՝ կենսաթոշակառուի գրավոր դիմումի համաձայն:

ՀԱՍԱՐՈՒԿՈՒԹՅՈՒՆ

ՀԱՐՑ. Մի օւրբ բանկերի հետ կնքել եմ ավանդաշին դրամադրեք: Արդյո՞ք դեռույթյունը, բանկը կամ այլ կազմակերպություն երաշխավորո՞ւմ է դրամը:
Ռուզաննա Մելքոնյան (38 տարեկան)



ՊԱՏԱՍԽԱՆ. Այո, Ձեր ավանդները երաշխավորվում են Ավանդների հատուցումը երաշխավորող հիմնադրամի կողմից, ընդ որում՝ երեշխավորված է թե՛ ավանդի մայր գումարը, թե՛ դրա նկատմամբ հաշվարկվող տոկոսը: «Ֆիզիկական անձանց բանկային ավանդների հատուցումը երաշխավորելու մասին» ՀՀ օրենքով երաշխավորված ավանդի (մայր գումար եւ հաշվարկված տոկոս) չափերն են՝
 ա) եթե ավանդատուն անվճարունակ բանկում ունի միայն դրամային բանկային ավանդ, ապա երաշխավորված ավանդի չափը տասը միլիոն հայկական դրամ է,
 բ) եթե ավանդատուն անվճարունակ բանկում ունի միայն արտարժույթային բանկային ավանդ, ապա երաշխավորված ավանդի չափը հինգ միլիոն հայկական դրամ է:

Ֆինանսական համակարգի հաշտարար

«ԺՈՂՈՎՈՒՐԳ». Եթե ավանդատուն ունի ավանդներ ՀՀ տարածքում գործող մի քանի բանկերում, ապա նրա ավանդները երաշխավորվում են յուրաքանչյուր բանկում առանձին:

ԼՈՒՐ ԿԱԴՐ

Լուսանկարը՝ համացանցից



Դուդուկահար Արսեն Պետրոսյանը հուլիսի 25-ին համերգով հանդես է եկել Ֆրանսիայում անցկացվող հեղինակավոր Սո Violon sur le Sable փառատոնին՝ 40 հազար հանդիսատեսի առջեւ: Ներկայացնելով հայկական ծիրանափողը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու համար կարող եք դիմել

«Հայմամուլ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Շողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Շողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+11+ 17 +27+ 30	Արարատ	+19+ 21 +34+ 36
Կոտայքի լեռներ	+10+ 13 +24+ 27	Արմավիր	+18+ 20 +34+ 36
Կոտայքի նախալեռներ	+18+ 21 +30+ 33	Վայոց ձորի լեռներ	+ 8 + 10 +24+ 27
Գեղարքունիք	+ 7+ 11 +24+ 28	Վայոց ձորի նախալեռներ	+17+ 19 +33+ 35
Լոռի	+ 9 + 14 +25+ 28	Սյունիքի հովիտներ	+18+ 21 +32+ 36
Տավուշ	+14+ 19 +29+ 33	Սյունիքի նախալեռներ	+12+ 16 +25+ 28
Արագածոտնի լեռներ	+ 7 + 9 +23+ 27	ԼՂՀ	+12+ 15 +24+ 26
Արագածոտնի նախալեռներ	+16+ 20 +29+ 33	Երեւան	+19+ 22 +34+ 37

Լրատվական գործունեություն իրականացնող՝ «Շողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22՝/3, հեռ՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 25.7.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
 Խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Շողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Շողովուրդ» օրաթերթի այսօրվա համարում»: